

玉
筍
詩
談
正
續



玉
筍
詩

談

正續

朱孟震 著

中
華
書
局

叢書集成初編

玉筍詩談 正續

中華書局 出版發行

秦皇島市資料印刷廠印刷
(北京王府井大街三十六號)

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

玉筍詩談

此據學海類編本
排印初編各叢書
僅有此本

玉筍詩談卷上

明 新淦朱孟震秉器著

先大夫在邑庠喜爲詩與黎先生汝登雲交莫逆黎有滄洲書屋先大夫嘗就其中倡和或共放舟中流從先大夫湖上飲日元夕乘月從滄洲來適旅人張燈湖濱因邀黎共飲酒闌黎去又邀之返見一人醉從月下歌黎喜甚先大夫復取大白酌黎因聯句曰萬家簫管沸樓臺想見金吾九禁開清夜何人歌不寐滄江有客去還來燈幢掩映尊前動春色分明月下迴輸與山人得三昧酒酣餘興更添杯又咏老人燈云白髮尙兒戲身輕火煉成形容雖潦倒心孔卻虛明前輩風流交契可想見矣

公道世閒惟白髮貴人頭上不曾饒此唐人詩也先祖素齋府君挽周氏父子云於今白髮無公道不上周郎父子頭蓋反其意而用之也府君少豪俠好義尤喜爲詩惜散逸不存余又嘗於敝歷中見和唐人無題四首俱有致後計偕往來數四歸檢篋中則已化爲烏有矣止記一聯云綺檻留雲迷薜荔玉簫吹月隔芙蓉此外有桑榆詞藁尙存

武昌承胡公芳者華亭人也少有聲場屋尤工詩嘗學蘇文忠因自號後坡居士居官清約喜與先大夫遊閒命酒遊西山諸勝酒中暢飲酣然樂也先大夫曾有詩云人在西山更倚樓無端風景上簾鉤萬

公關近天代處。九曲亭當雲上頭。吳業只今何地著。楚山依舊帶江流。千巖萬壑鳴宵雨。洗我年來老髮。公綴節賞曰。萬松關。九曲亭。自有西山來。始爲今日設。公有宮詞十首。嘗記一結句云。丁甯積翠池頭水。紅葉無題莫漫流。大有風人之致。一日。先大夫呼予出。公面試以對曰。雨戰綠蕉驚鶴夢。余應曰。風敲斑竹亂鳩聲。因呼予爲小友。先大夫擢應天教。公握手歎曰。子期行矣。誰爲賞音。我自是東管絕弦矣。後某擢縣尹。致政歸。予家尚有公手書詩若干幅。

予師許石城先生。家金陵。以尙寶卿致政。家居二十年。遊情山水。文酒自娛。性喜客。客來命酒必醉。夜漏下五鼓不輟也。金陵當吳楚之會。每門生故人來訪先生。必留連信宿。諸官留都者。率以歲誕日。奉酒爲先生壽。先生輒賦詩張宴爲樂。予一夕詣先生。時王太僕在上元。先生折柬招與共飲。自日午洗酌。燒燈竟夕。仍起浮大白三。出門曙矣。嘗舉所爲詩笑謂余曰。平生愛我無如酒。凡事輸人不但棋。先生之寄興遠而達矣。錢塘周銀臺興叔。工爲詩。最不易許可。每稱說先生詩曰。今稱詩者。僅得一二。輒自謂過人。若清新雋逸。雄渾古雅。無所不有。則石城之在白下。當稱大家矣。予領渝州。先生贈之詩云。久遊憲部蜚清譽。新拜名邦愜壯心。來往詞林聽夏玉。飛騰雲路羨橫金。節過巫峽才逾健。堂對岷江澤共深。從此登臺瞻漸遠。幾時重和白頭吟。又寄懷詩云。論文常下白雲司。別去俄驚二載餘。正指巫山看片月。忽從淮水得雙魚。甘霖此日隨熊軾。靈雀來年近雉旂。宦達有誰敦夙好。知君高誼古人如。銀臺詩尤奇脫。其送余赴渝州云。春陽已轉秣陵鶯。江渚東風趣上征。藝苑登壇誰竝駕。秋曹識獄久稱

平三山對酒離襟盛。百丈牽雲鼻鼓鳴。舊舞巴渝沿猛銳。待君文教雅馴更。

張中丞自南銅梁人名在七子中。又稱三甫。予在金陵時。見俞氏所選盛明詩。又得新安所刻張中丞詩。幾十之一耳。予爲渝州公。數以詩示予。幾百首。其所贈答予者。無論也。嘗欲萃而刻之。以渝渺能書。不足配新安本耳。在南都。送予領渝州詩云。簡書朝下帝城春。此日分符得玉麟。自是使君稱長者。由來岳牧用詞人。雙旌夜入刀州夢。五馬風清折阪塵。便欲西歸從父老。相攜寧食大江濱。夔門西望是江城。太守乘春早蓋行。蜀道那論難與易。雪山應繫重還輕。兒童萬室巴渝舞。簫鼓千峯竹馬迎。高第昔稱朱北海。知君不讓異時名。寄懷二首云。秣陵亦是漢西京。詞賦君垂作者名。出領一州如斗大。來看五馬似龍行。民間歌舞褰帷見。郡裏江山坐嘯清。多少青梧齋閣外。政成應有鳳凰鳴。乞將骸骨臥峨峨。世事其如瀾慢何。散髮林邱憎束帶。避人門巷或張羅。山川日待雙旌下。田野時聞五袴歌。說道使君能下榻。肯容孺子一經過。明虹太守同諸寮友。餞予澄清樓。偶作云。雉堞全扶閣勢平。雄看宛似石頭城。奇峯曲抱青尊起。寒斗高懸畫棟明。中夜巴渝當日舞。東流江漢使君情。登樓無用思吾土。多少風雲倚檻生。起家南行。舟次渝州。朱明虹公祖賦二詩贈別。和韻奉答云。歌發驪駒夾岸頻。臘殘愁見柳條春。寒江月淡孤帆客。去國雲依白髮親。失計倉皇遠鹿豕。垂名未必蠹麒麟。箇中尙擬陳情草。異日將行上紫宸。天門一佩左符來。千里山河保障哉。滿地棠留巴子國。明堂人自豫章材。尊前意氣看龍匣。江上風流憶鳳臺。不見潯川終拜相。期君中夜望三台。金陵江望有懷明虹使君。時將入計矣云。

天垂西極望渝州。景物偏生萬里愁。江勢散從巴字水。鴻聲不盡秣陵秋。稍聞肆覲來羣后。遙想遮留
夾去輜。試聽明堂傳劍履。幾人高第似君侯。明虹公祖行部山城。喜而賦此云。衡門長夏足卑栖。忽報
前茅業已西。不盡真人傳紫氣。頓教野老杖青藜。天垂露冕千峯出。雲拂旌旗落日低。小隊僮從雞黍
約。草堂亦在浣花溪。明虹朱公招飲治平寺云。相攜春草徧禪堂。紺殿蓮燈綺席光。洞裏桃花歎酒色。
風前寶樹散天香。情同塗嶺千重厚。心逐渝江兩派長。語到明朝車馬路。何人不擬醉爲鄉。遊塗山奉
東明虹公祖云。青郊寒削萬芙蓉。支策携蘿破紫茸。祠抱山川思夏后。春從天地入堯封。桃花水散龍
門東。楊柳樓居雉堞重。君道案頭蒼翠色。何人持贈白雲峯。明虹太守餞余五福宮賦別云。登高遙借
紫霞宮。福地追攀一逕通。城郭萬家春樹裏。江山雙日雨天中。雲穿仙樂憑闌得。露浥桃花照酒紅。指
點關門楊柳色。誰歌三疊對東風。白市山行。有懷明虹使君云。躡屣風氣佳。迴光照谷口。樵徑分羊腸。
巖泉潑馬首。白雲非一態。煙嵐蔽林藪。上發青天歌。下若建瓴走。寺鐘穿峽來。於花落吾手。回瞻巴渝
城。丹霞散培塿。埽石時一謳。顧戀區中友。山水疲雙眸。寄言永嘉守。朱秉器太守。擢河南憲副。送別十
首云。使者乘輅入大梁。中臺列柏儼成行。寒風六月生沙海。玉壘高橫柱後霜。漢庭高第是渝州。五馬
如龍陸海遊。明發江干攀臥處。也停軒蓋慰遮留。梁園百尺有高臺。嵩影河流相對開。一自鄒枚裁賦
後。千秋又見使君來。天風一飽布帆過。繞樹流鶯兩岸多。峽口猿聲聽不盡。巴童又和竹枝歌。詞賦翻
翻華二京。年來治郡見功名。請看漢使班生傳。文苑誰兼循吏聲。郡國婆娑棠樹枝。尊前折贈慰相思。

邊城無數江心石。留作他年墮淚碑。中原日月半樓臺。北去千峯立馬開。歌罷四愁聊寓目。粘天一片白雲來。聽馬平原此日行。繁臺秋色不勝情。黃河自是西來水。尺素無由達汴京。雄才馳騁氣如雲。愛士如從益部聞。明到夷門尋故事。何人不說信陵君。紫氣重封二室山。三花留待使君攀。懷人若縱西南目。天際蛾眉白雪閒。明虹公祖將之中州。遣書山中言別。適當七夕之辰也。因賦此見懷云。小結溪居竹萬竿。魚書忽報下江滯。開械已帶中嵩氣。倚杖遙從北斗看。點點千峯隨雁落。盈盈一水傍秋寒。莫將此日悲牛女。乍見人閒轉自難。明虹使君明發吾渝。不佞屬廬居不能往送。謹解佩劍贈別。而侑以詩云。乘聽使者將欲行。秋氣蕭蕭班馬鳴。紅樹江頭開祖帳。峯煙半落渝州城。伊予塊處康成里。孔融惠好殊無比。關門遙憶攀轅人。恨不相隨諸邑子。涪白飛濤天怒權。黎山九折車堪迴。渭城有曲不得奏。側身東望心悠悠。寥廓霜空暮雲紫。同心難隔千山水。崩縑三尺平生親。脫贈相將贈行李。君不見吾家茂先佩干將。斗閒之色從豫章。君生豫章望氣否。神物會合終當有。明到中原曉渡河。帆前津鼓揚洪波。風雷倏忽劍歌起。始信龍泉尋太阿。嗟夫。嘗鼎一臠。公之所以主盟雅騷者。固可概見矣。河陽陳憲使蘇山先生柏參知公文屬玉叔父子俱以詩鳴輿都。玉叔守淮安時。予爲南北部。結青溪社。玉叔以詩寄社中諸子。諸子爲江閣停雲詩贈之。而余爲之鼓。余守渝。玉叔督四川學。相見歡甚。因折節爲交。時從郵筒中以詩文相示。先生有職方題藁。予爲序之。先大夫墨泉詩藁。則玉叔爲之序。蓋於是稱通家。先生亦復以詩文相贈答。先生才氣高一世。獨喜與文人遊。凡海內知名之士。爭願從先生。即

數千里靡不意相結也。玉叔八九齡，卽能讀古文詞，已揮筆作驚人語。旣宦遊，所知交益廣，著作日富，其文不司馬詩不盛唐不屑也。先生所著有職方題藁，見南江閣詩文藁，借山亭詩藁，夏汭樂府，借山亭續藁，玉叔詩有廷中集，漢陰集，蜀中集，文有五岳山人文集，俱行於世。先生嘗寄余詩，有酬朱秉器使君用原韻云：錦字遙傳自錦官，詞源三峽倒生寒。才情豈但凌雲似，意氣還同折檻看。老去林間悲短羽，往來天外望長翰。平生萬戶輕如洗，何意於今更識韓。答朱秉器太守云：錦字俄傳漢水涯，同心千里未云遐。雄詞已訝傾三峽，高誼還驚比二華。黃石敢忘曾進履，青門猶憶舊耘瓜。他時倘叶非熊卜，肯以勳名讓子牙。先生家嗣文燮，諸孫汝堪，汝封，汝均，俱才能詩，二難競爽，且駕長文而三，潁水德星，今移聚漢陰之上矣。

劉元倩，名成穆，其先世新淦人，以大姓商崇慶州，從外氏爲杜氏。大父性謹厚，不御酒肉，妖人鐸亂蜀之歲，夢吞五色石，三占之曰：石之言世也，五色備乎文矣。三世之後，其以文名乎？勸菴先生舉宏治壬子鄉試，仕弗耀，父朝紳以正德甲戌正月甲寅夜夢有鶴，竄於庭，遂生元倩，名之曰成穆，別名以嘉壽，字曰文孫，志先夢也。元倩生七歲，能詩文，十歲博識，十五究經史百家，談元理，談兵，談世務，珠貫川絡，且灑然有山林之意。嘉靖辛卯，朝紳督餉江西，留元倩侍其母，杜史熊雲夢，宗憲張南溟，檄有司起試，試嘉禾賦經義各一，比成，日未中，讀之蔚然，因強入試院，以春秋舉鄉試第三，又強之試春官，不第，發憤卒。壬辰春三月二日也。先是己丑，元倩夢入五雲洞，二道士迎於門，以詩贈別，未有重龍望子回之

句。龍辰屬三辰月。甲辰之三月重龍也。人謂先兆云。升菴楊先生甚愛其過漢武陵詩云。歲暮霜殘過漢都。武皇陵墓舊荒蕪。不將玉匣藏天馬。猶使金燈照野狐。賦客詞園清露盡。仙翁丹竈白雲孤。千年惟有秋風曲。渭水長流啼野鳥。子愛其溫泉宮云。碧洞霜泉臥火龍。翠華宮冷玉芙蓉。遊人綠酒流春殿。妃子朱顏落夜峯。石闌獨逢明月醉。瑤塘虛有晚霞封。霓裳不見梨園曲。愁聽秦箏雜野蛩。元倩於詩文初不經意。卽席揮穎有甚嘉者。若秋霖賦之類。俱散失不傳。所存集纔三之一。初名誠穆。南溪改誠爲成。易文孫以元倩。故集名元倩集云。

華州張明府維訓爲余言惠逸人事。余請傳之。傳詞多不具載。載其槩。惠逸人者。名沐。字子新。自謂一松子。東西南北人也。或曰。上世惠妃族。以事謫秦中北里籍。乃爲秦人。逸人志氣軒豁。好古書。習名賢法帖。長安張太微。與武功康太史。鄠杜王太史。盤屋王東谷。遊終南。見逸人詩有佳句。遂引與遊。逸人一日款有司。求籍長安太村里。按察孫公限韻令賦雪竹。逸人曰。請無拘禮法。乃解衣睥睨良久。揮筆題曰。誰人種此琅玕玉。引得清風俗尙淳。待月忽疑青鳳至。凌霄常與白雲親。渾如娥女漬殘粉。清似夷齊不受塵。獨有歲寒君子節。肯隨桃李競芳春。孫大稱賞。因爲繫籍長安。自是名益振振起矣。康太史延之武功。作詩爲贈。然性至孝。秋夕忽聞促織。感而咏曰。我聞促織音。月下淚雙落。嗟我白頭親。寒衣著未著。康憐其意。贈子還里。後從雲總戎徵入爲幕客。乃遊皋蘭。歷雲中。又入承天。平入奇崛不平之氣。閒寓於詞賦。晚又從總制劉公徵作固原志。尤好談黃白術。或詰其好仙者。逸人曰。子欲居九夷而

能以王道與九夷乎。子未知古達者之寓言也。而何以謂我哉。年六十卒。葬長安曲江。維訓與華原張子志川宗尉爲題明詩人惠一松墓。有一松集若干卷。

予鄉簡西畧紹芳弱冠客遊滇南。題詩山寺。楊升菴先生一見異之。使人物色。遂定爲忘年交。凡先生出入必引與俱。先生藏書甚多。簡一覽輒記。每清夜劇談。他人不能答。簡一一應如響。在滇南倡和及評較文藝。惟簡爲多。張愈光諸人不及也。簡年幾六十。西歸蒙山。先生之詩云。金蘭意氣昔論文。宴坐朝霜竟夕醺。千里馳驅來楚道。十年羈旅共滇雲。交游落落晨星散。蹤跡悠悠逝水分。江南江北從此別。何時何地再逢君。因大慟不已。簡歸數年卒。其子謁先生瀘陽。時先生以疾臥牀。呼拜牀下。問西畧安否。其子曰死矣。先生長吁數四。以袖拭淚。遂向壁臥。不復言。數日卒。先生交誼。當求之于古矣。

張德南名煒。閩人。初爲南大理司務。署中有奇竹二。產檐下。已乃屈曲循檐出。德南援筆爲瑞竹賦。諸郎競傳咏之。又傳書諸郎。以便面從乞書者。屢滿戶外。詩喜爲平淡。一日。舍中芍藥盛開。乃命酒招余飲。取薔薇和麪煎之佐酒。極有致。又邀余從南城諸寺玩月。極歡而罷。以事註誤。稍遷爲龍安推官。以歸。余爲渝州守。復會於蜀。寄子詩云。白下悲歌送我行。西風逐客淚沾纓。百年盟好耽風雅。萬里羈栖憶弟兄。蜀郡兒童迎使節。閩洲蝦菜計歸程。相看咫尺難相晤。山自青青鳥自鳴。

梁彥國順德人。名杜臣。爲大理評事。作詩一以古爲憲。有寶劍吟贈子云。豫章有龍劍。紫氣干斗牛。至人識其精。豐城遂奇搜。感君重意氣。持贈結綢繆。啓匣已電發。塵鐔忽星流。太乙曾下觀。封胡將見求。應

同櫺具佩。持向漢庭遊。慙非張公子。靈貺焉可酬。

陳子野名。金陵人。爲長沙令。九十日解印歸。卜居鳳凰泉之左。又構別業新林浦。時垂綸其上。浦有橫
厓。因自題曰橫厓小隱。又卽邀笛步爲閣。其上云邀笛閣。而引騷人倡咏爲樂。嘗取古高士自巢許而
下迄於宋元。得七十餘人。人爲之詩。以自見其志。號思古吟。其喜諸君子入社詩云。邀笛亭前舍釣竿。
丹楓林外候金鞍。吟邊綠酒今逾暖。花底幽盟久未寒。才子一時追鄴下。故人幾載隔雲端。諸君莫更
輕離別。萍跡應憐此會難。咏美人走馬云。明妝驅駿足。晴日麗春風。各倚千金貴。齊驕三市中。踟躕疑
舞鳳。恍忽似游龍。一盼揚鞭去。幽情已自通。窗中度落葉云。靜聽高林響。還過虛牖前。蕭條如帶雨。閃
爍似含煙。孤影隨飛鳥。寒聲和晚蟬。妝臺有思婦。相對惜華年。鳳凰客所社會云。鳳凰泉上瑞煙輕。自
煮新泉待友生。賴有香茶將一盃。殊無旨酒速諸兄。廣酬會意思。投轄湖海論。交情聚萍。莫以更闌間。
歸路。秦淮東畔月初明。秦淮煙月詩。淮水平如江水平。今人情似古人情。英雄滾滾隨波去。留得波間
此月明。秦淮煙暝水長流。明月空懸萬古愁。春去秋來風景別。鳴箏不下酒家樓。折欄會和門銀臺云。
新歲詩豪集。深更興未闌。共憐今夜月。仍似去年看。社主歡投轄。車徒怨折欄。彩梅紅對酒。忘卻外邊
寒。鳳凰臺上憶吹簫云。有人春日發高臺。翩跹綵服從風來。忽舒玉指吹玉簫。花風千林天上飄。衆賓
各進酒一瓢。竹音稍亭繼以肉。盡道鳳鳴在山簾。彩霞垂天日西沒。衆賓大斗飲不足。鳳兮鳳兮忽飛
去。嘉爾靈禽在南國。長干曲云。長干女兒茜裙新。琵琶一曲驚千人。三吳少年豪傑士。醉待梅樹回陽

春風一夕朱英發。珊瑚枝頭掛明月。茜裙挽住五花廳。梅花落盡歡永歇。感別送朱比部云。使節三年野老家。鳳凰泉水自煎茶。今日西川成遠別。金尊空對碧桃花。離筵花雨亂紛紛。宛轉情言到夜分。巴峽聞猿應憶我。江樓望月正思君。聞笛有懷朱比部云。空林索寞雨絲絲。折得梅花未放枝。正是鄰家夜吹笛。倚闌無限故人思。虛堂夏日有懷朱重慶云。虛堂白日永。竹樹陰相錯。纖羅無風吹。娟娟隔簾箔。乳雀巡檐來。翻階映紅藥。時有屋上雲。涼氣從空落。瞻雲思友生。竟日坐寂寞。蜀山修且阻。雙鯉何由託。

姚典客原白名淵。家金陵武定橋。以貲入爲郎。久之辭疾歸。性好吟。就所居構市隱園。水竹之勝。甲於白下。時時招詞人墨卿。觴詠其內。醉取古墨玩之。時引筆作真草數幅。雅有致。晚好作梅。從閩王山人遊。盡得其妙。子之裔。爲郡博士弟子員。亦能詩。其邀笛閣喜諸君子入社云。青溪文酒已三秋。復喜羣公集水樓。藻思久傳鸚鵡賦。芳時今逐鳳凰遊。寒花照座金爲蕊。明月窺簾玉作鉤。夜靜忽聞三弄曲。依然江左舊風流。病後諸君子邀入社云。巖廊詞客擅風流。自喜漁樵得共遊。病裏愁心違授簡。秋來詩思一登樓。疏簾葉几山當座。楊柳芙蓉月滿洲。伏想年來題詠處。家家珠斗夜光浮。青溪對雨云。長空飛急雨。虛閣對滄洲。蕭索三秋盡。微茫十里收。絲飛桃葉渡。雲憶鳳凰樓。坐領寒江趣。煙蓑起釣舟。鬱園中柳云。園柳吐春姿。鬱鬱寒塘側。盈盈陌上條。日日送離別。玉筍掩深閨。金鞍遊上國。韶光日以暮。彫落良可惜。攀條欲寄之。不語淚沾臆。中情豈故殊。何嗟失顏色。離別勿復道。願言崇令德。喜諸君

分詠小園云。輟川府和處。裴迪有新詩。豈意千年後。風流今在茲。買山成小隱。投轄得雄詞。今夜青溪上。文光照水湄。冬夜程孟孺。莫雲卿。姚光虞。過集云。坐深銀箭燭花開。荒徑能勞二仲來。書變鼎鑪傳古法。吟餘風雅盡詩才。談生磨尾將迴雪。暖盎枝頭欲放梅。更喜吾宗同笑詠。草堂今夕聚三台。賦得白鷺洲送黃參軍奏結云。岷山遠發大江流。采石東連白鷺洲。一片蒹葭搖雪浪。三山臺殿枕丹邱。地邀彩筆增新色。人對離尊起別愁。羨爾雲帆天路近。春風吹到鳳凰樓。治城饒吳莫魏張。四才子云。冶麓高寒結駟來。旗亭卮酒傍丹臺。黃金舊鑄雙龍劍。白雪新傳四傑才。天半月明瑤鶴下。林間星聚石壇開。送君翻念青溪社。醉倚離筵不放杯。

華明伯名復初。無錫人。父補菴先生雪。爲比部郎。博雅好古。家藏書甚富。明伯少有才名。克嗣其家學。取藏書一一校讎之。又喜爲詩。與盛仲交。相友善。隆慶癸酉。以貢授應天學訓導。仲交尙爲弟子員。雅相師友。意各自得也。從所寓構秉燭軒延客。客至輒舉白賦詩爲樂。軒中雨集得四言云。有客容膝。亦孔之安。載集佳賓。佩玉珊珊。佳賓至止。德容幾幾。四座講德。周道孔邇。湛湛我池。鑑爾令儀。君子攸萃。燕笑孔宜。酌我洞泉。淪我山茗。客醉而歌。亦既酩酊。陽旣伏止。澤藏乃宜。迅雷風烈。慨焉非時。賓旣醉矣。雨亦滂矣。夜如何其。夜未央矣。雪中借馬云。踏凍非無東郭履。沾花空有杜陵詩。錦韉不惜晚來借。紫叱何妨醉後騎。自是看山揮策緩。非因傍險得歸遲。長安陌上多遊冶。不似灞橋風雪時。美人走馬云。鑿質輕千里。翩然自出羣。乍聞乘月駟。驚見逐羈輪。飛鞚驕纔逞。繁鞭捷有神。寬愛同踐蹠。霞帶共繽紛。

紛來似花成陣。迴看雪滿身。髮拋驚欲墜。襪蹣不生塵。柳深垂青組。桃飛蹙錦茵。波涵秋欲轉。峯斂翠猶懸。猿掛巫山夜。珠浮洛浦津。星流行更穩。電掣態逾新。彷彿雲中見。飄飄認未真。市隱園冬日云。殘冬景倍暄。欸似入冬候。山家酒初熟。鷗盟復如舊。水底見鍾峯。窗閒列遐岫。何須絲竹響。但喜花木秀。日暮遶池行。清風滿懷袖。鵝羣開觀水。邊芙蓉云。昔曾詠秋水。又見秋深時。芙蓉故繞徑。菊英尙滿籬。有花不來賞。時過復惜之。紛紛塵中人。擾擾將何爲。徒倚不忍別。殷勤銜玉卮。今日良宴會云。今日良宴會。射堂何鬱盤。勝友畢來集。寶樹棲鸛鷺。揮筆飛雲烟。字字青琅玕。人生貴適志。和音良獨難。主賓既款洽。謠謠如金蘭。聚散慨落葉。誰能念歲寒。桃原白病後入社云。芙蓉夢隔三秋月。黃菊歎同此夜尊。幾度鳳凰臺上望。閱江樓畔荻花村。送朱比部守重慶云。巴江曲曲萬載流。提封百里古諸侯。江流晝夜自不息。何人遺愛傳千秋。曾聞宋季余安撫。開館招賢資幕府。聚米爲山衍陣圖。二冉奇謀爲誰吐。釣魚山下江之衝。移堡依山設險重。枚寧拊輯稱良牧。至今猶羨中興功。使君光價重璫璫。玉筍山中曾著書。一麾出守青雲色。焚道新乘五馬車。只今有道成沃壤。桑土應須計安攘。巴渝千里起淳風。重爲余公拂遺像。

盛貞士金陵人名。時泰字仲交。爲社中詩。援筆立就。已輒失其幾。其立春後一日。同莫雲卿蔡世卿訪朱比部。用韋左司韻云。梅花柏葉彩華新。官舍蕭蕭竹樹鄰。露墜經時虹氣健。雲筒隔歲馬蹄頻。久甘鴻迹爲樵客。不媿鳩司作從臣。最是江南明月夜。共將花柳詠初春。送朱比部云。幾年官寄白雲司。日日

行吟湖水湄。五馬西川來作守。一尊南郭暫相持。天邊雲樹依臺遠。雪後春濤出峽遲。自昔蜀中多勝蹟。品題應是待新詩。同友晚遊方山云。千山迴合日將曛。一片鐘聲下白雲。茅嶺葉飛寒色早。秦淮水落暮煙分。風含石竇疑泉響。月朗巖扉過鹿羣。卻憶向時曾載酒。桃花細雨共氤氲。曉登雞鳴山塔院。望後湖殘雪云。夕陽斂湖光。殘雪散山麓。鐘聲飄寒空。人家隱深竹。一鳥下高天。迴翔向叢木。老僧澹無言。相和幽意足。黃以藩過訪云。竹下論詩寒色生。蕭蕭僧舍夕陽明。湖光若是山陰道。雪片應飛白下城。酒殘暫依梅樹坐。琴囊何惜薜蘿行。高天欲晚還留句。何愧任翻半字情。寄陳仲魚云。臺上重開碣石宮。海鵬南徙趁長風。青雲原是天邊客。白馬羞爲歷下雄。溪叟不妨漁艇在。洞仙應許鶴書通。海陽春色知能早。何處桃花開最紅。同莫山人過市隱園云。向夕風吹池水平。高天雲淨雨初晴。朱闌隔岸魚俱躍。苔玉常軒筍亂橫。作客不堪憑遠眺。吟詩一爲寫閒情。醉來坐愛松林好。共向涼臺待月生。寄費參軍云。青溪流水遶長堤。別後懷人芳草萋。同社不堪重載酒。逢人空憶舊題詞。宦情落莫悲蓬鬢。世路參差共馬蹄。不信君才原出衆。可容長日在途泥。和許太常秋日書懷云。淮浦新潮映月流。秣陵曉色又驚秋。庭除共喜生三樹。鄰里何勞羨五侯。疏廣自知金玉賤。山濤不爲簡書留。年來贏得身強健。卻笑虞卿枉解愁。池塘坐見一螢流。遂有梧桐爲報秋。柘境近知新拓地。醉鄉曾許舊封侯。不妨出郭青藜伴。最喜尋僧白社留。潘岳近來多闕筆。悔將詞藻賦閒愁。

周山人才甫。字文美。永嘉人。嘉靖中以詩鳴。所著有鴈川集。隆慶辛未遊青溪社。所爲詩具載社藁中。家